

迎照童童 倚母慈瑛 皓仰塗府  
彼億真庭 究本知源 翼至浮靈

北方九天

坤符握節 炳煥太霄 攝允侵凶  
擇邀玄標 都浮偏漢 冰蒼蒼林

既魄見素 齊叱封吟 渠因劫弄

晏敷加明 網演覆壁 闕發輝停

執符煥麗 賂神係掌 氣氤紫秀

顯微徹升 通神妙空 徑曉成人

道言此諸天中大梵隱語无量之音琅書玉

文皆龍文丹篆寶籙玉函秘於東華堂金縷

寶花瓊瑤浮光萬象神藏之中神霄玉清真

王扶桑青華帝君皆知其音以傳其文能齋

而誦之者諸天皆遣飛天神王持經神吏下

觀其身書其功勤上奏諸天萬神朝禮地祇

侍門玉清消魔神王保舉上仙道備尅得超

度玉京升入金門

此音無所不通無所不降無所不度無所不

成天真自然之音也故誦之致飛天下觀上

帝遙唱萬神朝禮三界侍軒玉帝侍迎鬼神精

自亡琳琅振響十方肅清河海靜點山嶽吞  
煙萬靈振伏招集群仙天無氛穢地無秋塵  
冥慧洞清大量玄玄也

元始无量度人上品妙經卷之三十

正一天師清微弟子 洪百堅 製作



靈寶無量度人上品妙經卷之三十一 其一

長生久視品

道言昔於始青天中朱景瓊明洞真化土天  
際有大玄樂天號曰長生中有帝君號長生  
大帝君丹瓊之宮絳霄玉宸之闕紫雲縹緲

黃霧蕊芬帝藏寶室山川林木煙霞風露皆  
作晴虹積霧之色仙官神吏僚佐書史以億

萬計而此天中東連東蒙之宮紫極之天明  
真之臺希琳之殿西接協宸之宮耀景之天

寶靈之臺太和之殿天垂清微九光之雲以

為承覆聳海霞碧瑤之氣以結凡席廓然輝

耀諸天之中號為極樂

元始天尊當說是經開示長生久視大法元

始即於始青天中五色獅子座上遙存瓊明

天際大玄樂天中長生大帝君以其元始上

帝元胃之長福德克備付囑長生大帝君令

為十方天人一切衆生說此長生久視轉凡

成聖之要長生大帝君默感元始玄靈之旨

即從座起敕命左右侍真天官僕射侍經典

者香官玉童玉女一切部屬無量天人及諸

仙眾來詣朱景玄洞延康南和之殿無上大  
法璽玉之座子丹靈童升扶希之樓擊斑龍  
雷音之鼓閣洞玉女升霽虛雙景之樓叩黃  
庭九絕神金之鐘聖眾大集普天同悅長生  
大帝君將演妙法周回十過以召十方始當  
詣座天真大神上聖高尊妙行真人無執數  
眾乘空而來自然妙氣流光沖霄八照圓象  
洞煥景耀幡蓋輿輦九色合成萬種分輝千  
真交影龍鳳結彩山水流形本無室礙隱顯  
靡常宮殿臺碗音樂法具持幢建節泛景乘  
煙境瑩晨華土成文玉眾真侍座長生帝君  
玄坐空浮九轉七變赤精紅蓮之座說經一  
遍紫虛回映天籙字生說經二遍玉京吐晶  
變化千億說經三遍道空內易徹見祖源說  
經四遍神顯真形看類長生說經五遍玉帝  
落緘寶符永命說經六遍琪林嘯風宛成虛  
梵說經七遍靈漢湛清黛海同色說經八遍  
日月合輝絳霧飄香說經九遍道運無窮天  
壽長生說經十遍焚芝成盤甘露數空是時  
一國是男是女莫不傾心皆受護慶咸得長

生

道言是時長生帝君說經一遍東方無極無  
量品長生大神無執之眾浮空而至說經二  
遍南方無極無量品長生大神無執之眾浮  
空而至說經三遍西方無極無量品長生大  
神無執之眾浮空而至說經四遍北方無極  
無量品長生大神無執之眾浮空而至說經  
五遍東北無極無量品長生大神無執之眾  
浮空而至說經六遍東南無極無量品長生  
大神無執之眾浮空而至說經七遍西南無  
極無量品長生大神無執之眾浮空而至說  
經八遍西北無極無量品長生大神無執之  
眾浮空而至說經九遍上方無極無量品長  
生大神無執之眾浮空而至說經十遍下方  
無極無量品長生大神無執之眾浮空而至  
十遍周竟十方無極長生大神一時同至一  
國男女傾心歸仰來者有如萬山出雲千江  
湧浪轟雷震海無執之眾遍諸天界壓疊國  
畿非可禁止於是長生大帝君舉手南闕於  
此空中化出百億寶光一一寶光有諸世界

一一世界百千樓閣或依山水林木岡阜或  
近都邑露畔樵野見有仙眾飛身步空水火  
激射乘龍按轡遊勝神州駕鳳梯雲條欵霧  
逸圍繞太息渴佇法言觀度此生見長生道  
脫離法網超悟真階得悟大乘盡忘習染長  
生大帝君登引天真大神上聖高尊紫虛真  
人十方無極長生久視大神俱登神境之中  
天人仰看聖集傾依徹見道根本無變滅元  
始一系能得之者浩劫無終內視五體外觀  
萬象日月齊照無有已期長生則道本無生  
生而不滅久視則邈然無視洞照三清求生  
於死死化爲生久視於无无極爲有潛精內  
息默觀自然無生死中妄有生死死流轉  
不能止者以視不久也久視則定定照則真  
境自現八十一洞天洞如指掌眾生所以不得  
長生久視者以刑剋敗絕其氣有無真妄其  
心著生死則形亦隨化心與道一一與神  
冥守神忘心生道長久太微玉符續生和形  
使氣無害九仙玄籙使視久而徹徹則見道  
道來現形與子相守長生寶符使道性不遠

AA 7-6

道心抱神神變無方十方世界八景妙空一  
 得長生自然久視浮沉萬象應時消殞惟見  
 長生大帝君無量境界無邊法身無窮思用  
 无極變化一時出現如同眉睫一切天人悟  
 此大法乘雲駕龍來往空洞視十方太空如  
 一黍米真一仙真教化應世權實超證玉清位登  
 真極說經都竟衆真受度作證於我當此之  
 時喜慶難言法事粗悉諸天復位修效之間  
 寂無遺響是時天人遇值經法普得齊度長  
 生久視與道同居傾土歸仰咸往輪轉無生  
 無死無壯無老無疾無衰無苦無滅無作無  
 爲言無戾中口無惡聲齊同慈愛異骨成親  
 國安民豐忻樂太平經始出教一國以道預  
 有至心宗奉禮敬皆得度世  
 道言長生大帝君說經中所言並是諸天上  
 帝內名隱韻之音亦是長生大帝君內諱百  
 靈之隱名也非世之常辭上聖已成真人通  
 玄究微能悉其章誦之十過諸天遙唱萬帝  
 設禮三景順行五行不尅道炁自然長久不  
 終久視无極河海淵凝山嶽崇深日月降精

璇璣煥明羣魔束形鬼精滅疾道在無爲係  
 命無傾至學之士誦之十過則五帝侍衛三  
 界稽首靈氣來輔無所不成痼疾盡死以氣  
 能行皆由道真長生自然營致神氣絕而得  
 生所以爾者學士感契大道常與生俱神合  
 洞真召制十方天光入身久視玉京熙朝上  
 帝攝錄魔精運應華易生道日新七情六慾  
 永斷長根五臟百體久視如鑑百神現形授  
 此要言與神同轉入侍帝軒輕誦此章身則  
 被袂供養尊禮門戶興隆世世昌熾與善因  
 緣萬災不干神明護門斯經尊妙獨步玉京  
 度人無量爲萬道之宗巍巍大梵德難可勝  
 道言凡誦是經十過諸天齊到檢定生名罔  
 墜元惡及有冥愆守道正心神來守身身符  
 長生後天永存凡不聞道喜怒日遠水火尅  
 伐金木相連不滋真水寧制炎光水升火降  
 道備登仙平則火降伏藏太淵怒則焚身四  
 極惡煙知長生道義入玄玄擲水沫珠火居  
 九象炎火鍊形金體永堅水火二用非聖不  
 傳中有真土名曰自然自然無知萬物以生

者冥恍惚動靜無聞天地三界從自然生自  
 然爲土土能變運皆從太空自然中生生則  
 無盡與道齊年內見九宮無英白元黃老運  
 神與兆精連知之長生大帝五篇靈章玉書  
 攝氣舉仙世人受誦則延壽長年尸解得道  
 形變升玄呼吸剛風乘駕六龍南和賜策青  
 帝給童此經微妙普度無窮一切天人莫不  
 受慶无量之福三界蒙惠上天所寶不傳下  
 世至士齋金寶效心盟天而傳輕泄漏慢殃  
 及九祖長役鬼官侍經五帝玉童玉女各二  
 十四人營衛神文保護受經者身  
 道言正月長齋誦詠是經佩服太微玉符召  
 東華真公齋滿之炁下入身中以生木火之  
 氣長生久視後天無窮七月長齋誦詠是經  
 佩服九仙玄錄召西靈真母陽色之氣下入  
 身中以生金土之氣長生久視後天無窮十  
 月長齋誦詠是經佩服玉帝長生寶符召北  
 方三氣君爲賢之氣下入身中以生水木之  
 炁長生久視後天無窮八節之日誦詠是經  
 佩服大君久視之章召中黃帝君務猶之炁

11204

下入身中以生大土之氣命得長生神朝玉  
真魂神澄正萬氣長存不經苦惱身有光明  
三界侍衛五帝司迎萬神朝禮名書上天功  
滿德就飛昇上清

道言行道之日皆當香湯沐浴齋戒入室

東向叩齒三十二通上閉三十二天心拜  
三十二過閉目靜思身坐青黃白三色雲  
氣之中內外蕭實有青龍白虎朱雀玄武  
獅子白鶴羅列左右日月照明洞煥室內  
項生圓象光映十方如此分明密呪曰

無上玄元太上道君召出臣身中三五功曹  
左右官使者侍香玉童傳言玉女五帝直符  
直日香官各三十六人闡啓所言今日吉慶  
長齋清堂修行至經无量度人願所啓上徹  
徑御

無上三十二天元始上帝至尊凡前

引系三十二過東向誦經

元始無量度人上品妙經

太微玉符



九仙玄籙



玉帝長生寶符



土命人制木氣尅賊令長生久視




金命人制火氣尅賊令長生久視




水命人制土氣尅賊令長生久視




木命人制金氣尅賊令長生久視



火命人制水氣尅賊令長生久視



大君久視之章



右青書絳箔上火化之面東清水調服之

取長生日忌上制下尅賊宜以開建日或  
春甲寅夏丙午秋辛酉冬壬子大吉佩用  
丹書青箔上用丹書赤系在齋九十日  
佩服致神仙長生久視大驗書符密室勿  
以語人

長生大帝君刻以丹金瓊鳳之簡封以玉  
帝長生之章藏南和瓊明帝阿九洞寶室  
之內劫盡一出以度緣骨宿名之士有此  
玉文不知祕道為尸解仙佩服忌厭穢犯  
之考身

元始洞玄靈寶本章長生久視十四度人南  
極隱韻離合自然浩虛眇玄恍惚精轉中變  
化生无極諸天大梵妙氣祖劫綿綿玉霞結  
山真明為仙靈光煌煌絳阿碧巖上出九色  
內列三便九室曲峙下流玄泉綠憲金樓神

風回煙太和攝錄雲書洞篇班班龍鶴落落  
鳳紋宛轉流迹寶華委紛真元題象空無生  
神神運無形氣貫如繩眇眇莽莽若亡若存  
玄渾彌羅藥宮差我育嬰日池真粹潛施得  
者長生勿失璇璣天珠汜液雲網八關轉紫

成青三真檢飭視表徹裏遐照千億翠影九  
還洞陽孕丹黃父精恆守魂久視見之萬年  
金鎖玉關神虎衛門真母奏香香杳梵氣周  
回十方中有度人不死之神中有南極長生  
之君中有度世司馬大神中有好生韓君丈  
人中有南上司命司錄延壽益算度厄尊神

長生久視無量度人今日校錄諸天臨軒  
東方無極生氣神王長生大聖無量度人  
南方無極生精神神王長生大聖無量度人  
西方無極生液神王長生大聖無量度人  
北方無極生道神王長生大聖無量度人

東北無極生化神王長生大聖無量度人  
東南無極生質神王長生大聖無量度人  
西南無極生識神王長生大聖無量度人  
西北無極生妙神王長生大聖無量度人

上方無極生定神王長生大聖無量度人  
下方無極生感神王長生大聖無量度人  
十方至真長生久視神王長生度世無量  
神並乘四規八照之與三氣九光之輦洞皇  
荷榮之雲流霄浪霞之蓋雙虹之輪七絕之

節發駕神虎紺鬚之龍前嘯金鶴齊唱後吹  
玉律同音丹鳳青鸞嘯歌雍雍五老啓途羣  
仙翼轅億乘萬騎浮空而來傾光回駕監真  
度生諸天永相南昌上宮韓司主錄監生大  
神執符把錄齊到帝前隨所應度嚴校諸天

普告三界無極神鄉象曲之府北都羅鄴三  
官九府十二河源分別種民簡記善功授道  
真氣佩錄希玄身得長生久視永年心感生  
德神入太玄紫童內觀真境現前洞徹無極  
仙道自然坐知休否得天中天大劫不災萬

氣洪源性合光空騁雲泝煙元始符命時刻  
昇遷還嬰錄氣易形變仙適爾百齡有項億  
千制魔保舉度品南宮玉符受鍊仙化成真  
生身受度劫劫長存隨劫輪轉與天齊年永  
度三塗五苦八難超凌三界逍遙上清上清

之天上帝玉真無色之境梵行

東方八天

道遠殊明天

帝普斗元真

滄淵煥奕天

帝婁乾至多

德照清華天

帝建朱親謨

昌祐極宗天

帝鈞俞詵喬

皓際預光天

帝寶丘銘

鍊度無欲天

帝覺杜容

晨光延祚天

帝玉堵阿憲

澄虛幽完天

帝九曲上英

南方八天

太微耀通天

帝苟常貽先

太皇深華天

帝洞無冥施

慶煙鳳真天

帝敷荼魔源

梵化奕虛天

帝嶠期祖強

露真應化天

帝映留度仙

超玄紫宸天

帝仲康霞

廣生妙神天

帝麗光蘇

丹琳三華天

帝祐閻容音

西方八天

晶真飛貫天

帝洪儀剛需

延永轉飛天

帝率輅登虛

素華慶壽天

帝月髻同渠

浩蘭安平天

帝歡汗審數

冲靈洞幽天

帝求常卑冢

太玄鬱晨天

帝實勤巴方

玉景明遠天

帝逸玄冲

合景九微天

帝斷注王

北方八天

帝神驛召魔

韓司普監天

洞室耀靈天

帝越部南

太極玄都天

帝正治宗公

太寂玄清天

帝長生不明

高虛梵寶天

帝鄒儲靖奇

龍浮羽葆天

帝宥單都孫

靈化抱淵天

帝柳玄初鄉

樞光九華天

帝延祐百靈

三十二天三十二帝諸天隱諱諸天隱名天  
中空洞自然靈章諸天隱韻南上之音南上  
之尊南上之神南上大君南上之靈九和十

正一天師清微弟子洪百堅製作

合延命億齡神腫內徹久視惟明長生道在  
變化上清無量之奧深不可詳數落神真善  
度天人今日欣慶受度歷闢諸天請滅死道  
續命長生飛度五尸入斗昇玄洞見無極渺  
渺玉天瓊樓億壘金闕千門中有南極長生  
大君戴寶披青御朱履玄執秉命善為北添  
年東斗度魂西斗制魄北斗鍊真南斗養神  
中斗華蓋下蔭九元青帝護魂白帝侍魄赤  
帝養炁黑帝道血黃帝中主萬神無越青天  
元王王文保真赤天元王丹符攝精白天元  
王金錄命神黑天元王玄圖護身黃天元王  
五老監真五天元王萬神之宗飛行鼓從總  
領仙兵遊行太空長生玉冊天帝檢封雲羅  
錦帟萬舞鳴鍾碧堂突空鏡九飛龍賜兆長  
生規正方瞳坐察億程幽微容通授號拱登  
位為真公兆臣造玄普掃不祥巨獸吐毒高  
刀四張兵鋒前施真武持幡天狼擲火威劔  
揚煙敢有干試拒遏上真鑪天前焚香香後  
刑黑天斬秋炎帝食精三官迅車北酆列部  
不得容隱猛馬八征普告無窮萬神咸聽三

界五帝列言上清

太玄始分五老命神三元變化是為真身口吐紫氣纏絡天根化開五符萬有成形符為天根倏忽變真玉帝居室三景回明六合洞房入玄出青瓊膏黃飴凝為赤城金臺萬重碧嶽千層下沸混海洪波杳蒼龍九首火帝七身蜿蜒百里噴烟閃晴日月為目氣如奔雲甲錯黑頑護世保民負載魁魁是道真形剛風石堅積陽為天天上天下無幽無冥無形無影無極無窮溟溟大梵遼廓無光赤明東昇元始育嬰至丙南陵朱光絳庭中有大帝號長生君與天同生與天齊明鳳衣素裳青霞為巾正坐洞宮保兆永存返照長樓氣連玉京北斗覆已太一鋪精視極幽朗奄見神文五篇八素神虎龜章元氣流演三十二天輪轉無色周回十方旋翼歷軫迴度五常三十五分總系上元八景冥合氣入玄玄玄中按錄賜兆長生一瞬易劫久視萬年太皇大君上帝高真泛景流霄竊詠洞經金光旋激震響雲臺圓曜攝氣八海洞清寶淵蔚

秀縹彩浮京子和萬合自然成真真中有神長生大君無美公子白元尊神太一司命桃康合廷執符把籙保命生根上遊上清出入華房八冥之內細微之中下鎮人身泥丸絳宮中理五氣混合百神十轉迴靈萬炁齊仙仙道貴生無量度人長與生俱視極杳冥上開八門飛天法輪罪福禁戒宿命因緣普受開度道化生身身得長生上聞諸天諸天之上各有生門中有空洞謠歌之章諸仙靈篇辭參高真

第一長生神仙南和真君飛空之音

我適飛與 遐造八荒 空洞生風  
玉音遠遼 鳳軒崛起 環山復水  
紫金作宮 蟠基六龍 內有大君  
金姿玉容 儼坐紫雲 絳衣剪虹  
下觀此人 錄紀善功 冥與化通  
長生無終 照覽十天 騁露浮空  
左扶金真 右扶玉童 詠此洞章  
神昇九重

第二久視真妃瓊明玉符之章

明瓊龍翹 冠彼綠縵 錦裾流雲  
香車華軫 南宮九門 日惟月隱  
時乘六溥 金鸞玉象 夕昞龍山  
芝田霞嶺 天官捧策 神使列請  
書光生籍 鬱清涵景 雙珠四規

宏視無影 無極道君 虛真寶名  
梵氣回環 玉符變形 生兆神氣  
青帝凝魂 朱芒靈光 八威輝煌  
燕以瓊泉 龍低虎印 賜兆秘訣  
晨風錦光

第三長生大帝君宮中太微神母歌曰

六星爛爛 對臨天剛 宮浮紫烟  
玉輦吳倉 帝君丹袍 瑤笏龍刀  
三魂七魄 竟井魁魁 天嬰煒秀  
嘯泛雲濤 口吐赤文 光纏景霄  
六真夫人 錦帳金韜 迅風朱陵  
鳳背鸞腰 飲月咀日 碧霜瑤膏  
玄芝萬株 絳實殿挑 授以長生  
久視遊速 揖此晨暉 仙露飴膠  
變膏為玉英 歌此中蒙

10/447-1

此三界之上瓊明天中飛空歌音卷洞章  
誦之百遍名度南宮誦之千遍天帝保迎萬  
邊道備飛昇太空過度三界位登仙公有聞  
靈音仙王敬形教制地祇侍衛送迎流火玉  
眸自然入身身先如瞳洞照萬神長生神仙  
道胎結嬰龍氣灌灌南極同盟親拜黃老口  
受神文是謂無量普度無窮有秘上天文諸  
天共所崇泄慢墮地獄禍及七祖翁  
道言此二章並是長生大帝君及長生神王  
隱秘之音皆是大梵之言非世上常辭言無  
韻聲皆是長生久視永存大法隱秘其章故  
謂玄奧難可尋詳上天所實秘於玄都紫微  
上宮依玄科四萬劫一傳若有至人齋金寶  
傾心依舊格告盟十天然後而付焉  
道言夫天地運度亦有否終日月五星亦有  
虧盈至聖神人亦有休否未學之夫亦有疾  
傷欲延生續命過度運會皆當祈叩長生大  
帝君南極神王則命注玉檢名刊金榜免過  
三塗超濟八難凡有此災同氣皆當齊心修  
齋六時行香十遍轉經福德立降消諸不祥

無量之文普度無窮

道言夫學長生久視大法心契自然玄默懷  
道與造化冥一誠通玉清而世患繁縟緣貴  
未際或運當易骨五臟更生或神棲九宮鍊  
華脫化或未學道淺仙品未充運應滅度身  
經太陰雖長生久視大法未備見身功缺而  
心洞無有神已長生骨肉未鍊臨過之時同  
學至人爲其行香誦經十過以度生名如法  
徑上南宮賜以生道隨其學功計日而得更  
生轉輪不感便得神仙

道言夫長生久視之法其禁至重或守心自  
然玄契妙道或從師請法能致久生或陰營  
泉德功及羣靈天官列言得以永世或神觀  
內洞徹見道根俯視二儀遐窺往劫近若旦  
夜宿命因緣善功業債如觀尋尺與造化爲  
徒出生入死運用由己延日爲劫促劫爲日  
千春爲朝萬劫爲夜長生久視卷舒在意則  
非學道修誦所能或天稟特異氣質不凡如  
天有神仙地有松柏人有著艾皆靈成自然  
聞道而得聞道而生不原於教理別得天真

卓挺於世者也至若天地運終三辰失次四  
時不調國境生災兵劫不息疫毒流行師友  
命過亦當修齋行香誦詠此經夫齋戒誦經  
功德甚重上消天災保鎮帝王下禳毒害以  
度兆民生死受賴其福難勝故曰無量普度  
天人

道言凡有是經能爲天地帝主兆民行是功  
德有災之日發心修齋燒香誦經十過皆諸  
天記名萬神侍衛右列至人尅得爲聖君金  
闕之臣諸天記人功過毫分無失天中真王  
亦保舉爾身得道者乃當洞明至言也  
諸天中天大梵隱語無量音 道君撰  
長生大帝君靈書玉篇

東方八天

明柯遜淳	靜微樂惇	幾研苑恭
純精香紛	韜秘幽諱	交渾冶壽
氣徹內返	神嬰自存	職熾嶼嶂
偶銜不容	吟亢潛納	寶粹溫通
屈流地海	頂蓮繪同	玉露延和
仙鍊輔沖		



南方八天

玳回霞液	凝降崢嶸	玄黃滋化
曲宥清濛	奎室虛光	三宸皎昌
青白英元	黃真火堂	罔照東華
飲倫榮張	扶恩舉龍	軫車控翔
焚庚摘壇	玄井護昆	網射激明
靈魔渾然		

西方八天

庭雲鬱披	銀瓊感機	左池汨鳴
結英懼尸	灌引天淵	復運太微
眇松山玄	恍命薰怡	陰斗獨驅
異爽挾和	赤章綠典	道廓應苑
合就匪緒	忽辨意衡	象胚先元
化華魁宣		

北方八天

嶽鄴都首	影酪魂醜	韻味音姦
籍官統祿	龍委瀆谷	朱幸輪膝
此咬宏出	洞真和玖	騰功衛子
壽願燁觀	呼徵大殺	韓司詔候
移超隱奉	默彰離遠	無號懷研

碧空淨遠

道言此諸天中大梵隱語無量之音舊文九  
 杰丈人染赤彪之獸流丹之液題書長生大  
 帝君南明之殿青環之壁空中出字皆廣長  
 一丈金氣鏤縷采明以紫寔丹入玄玄入  
 丹丹玄起煙鬱勃上元題寫佩服誦習相傳  
 最上妙訣慎勿妄宣天真皇人昔書其文以  
 為正音有知其音能齋而誦之者諸天皆遣  
 飛天神王下觀其身書其功動上奏諸天萬  
 神朝禮地祇侍門大勳魔王保舉上仙道備  
 勳得遊行三界昇入金門此音無所不辟無  
 所不禳無所不度無所不成天真自然之音  
 也故誦之致飛天下觀上帝遙唱萬神朝禮  
 三界侍軒羣杖東首鬼精自亡琳琅振響十  
 方肅清河海靜默山嶽吞煙萬靈振伏招集  
 羣仙天無氛穢地無林塵宣慧洞清大量玄  
 玄也

元始無量度人上品妙經卷之三十一

靈寶無量度人上品妙經卷之三十二 黃二

五行順治品

道言昔於玉虛大明天中九華寶光神瑞慶  
 土受元始度人五行順治妙品元始天尊當  
 說是經周迴十過以召十方始當詣座天真  
 大神上聖高尊妙行真人上清五星真君無  
 鞅數眾乘空而來五色重光景雲四繞紅瓊  
 之軒紫琳之輅金輪轉轂日駕浮空羽蓋連  
 霞金真警衛流虹交映玉馬騰煙照徹碧虛  
 三日三夜七宸啓靈五斗順位瓊衡停運山  
 嶽玄鎮天道闕明華林會彩長樓列觀接引  
 凌風金闕瑤京無復高下地敷寶砌色吐瓊  
 綿眾真侍座

元始天尊玄坐五雲浮黎冰玉金映萬寶之  
 座與中天紫壇蒼華生德萬壽道君丹華陽  
 德萬福道君皓華正德萬善道君玄華一德  
 萬生道君大華聖德萬順道君五方真元道  
 君元始闕圖之後五氣乃分道祖攸同氣母  
 稟異將宣五行順治生化三界慈育萬眾之  
 道說經一遍諸天大聖同時稱善是時一國